

### Objektif Kadet Remaja Sekolah

- 1.Membentuk generasi pelajar yang menjiwai semangat perpaduan, memiliki ketrampilan diri, berdaya saing, kreatif serta inovatif dalam menghadapi pelbagai cabaran dalam kehidupan.
- 2.Membantu mengembangkan semua aspek potensi manusia yang berteraskan ilmu dan amal ke arah pembinaan dan pengukuhan sahsiah pelajar yang mengamalkan nilai-nilai murni selaras dengan tuntutan Falsafah Pendidikan Negara demi menjayakan Wawasan 2020.
- 3.Menangani masalah salah laku di kalangan para remaja seperti salah guna dadah, melepak dan juvana.
- 4.Mempelbagaikan kegiatan pasukan beruniform di sekolah bagi menyediakan para pelajar memperoleh pengetahuan, pengalaman, kemahiran, kebolehan mengurus dan memimpin.
- 5.Membina generasi pelajar patriotik yang menjiwai semangat cintakan agama, bangsa dan negara.
- 6.Melahirkan generasi pelajar yang mengetahui, memahami, menghayati dan mengamalkan nilai-nilai murni serta mampu memberikan sumbangan demi kesejahteraan hidup bermasyarakat dan bernegara.
- 7.Membina dan mengembangkan kefahaman, kesedaran dan kepekaan mengenai isu-isu semasa di kalangan pelajar serta berkeupayaan untuk bertindak sewajarnya.

### Sejarah Kadet Remaja Sekolah

Kadet Remaja Sekolah (KRS) telah ditubuhkan dan diasaskan oleh Muhammad Thani Bin Sha'aban di Sekolah Menengah Raja Abdullah, Jalan Kepong, Kuala Lumpur pada 27 Jun 1987. Pasukan ini pada mulanya dikenali sebagai Kadet Putera Islam Malaysia (KPIM) yang merupakan pasukan beruniform kepada Persatuan Pelajar-pelajar Islam SMRA (PERWIRA) Keahliannya adalah seramai 20 orang pelajar yang terdiri daripada pelajar daripada tingkatan 1 dan 2.

Matlamat utama penubuhannya ialah untuk melahirkan pelajar cemerlang yang BERILMU BERIMAN dan BERAMAL, berakhlak mulia, bersemangat patriotik dan berketrampilan, selaras dengan usaha dan hasrat mengisi tuntutan Falsafah Pendidikan Negara ke arah Wawasan 2020.

Pasukan KPIM ini bernaung di bawah pengawasan Unit Pendidikan Islam Jabatan Pendidikan Wilayah Persekutuan. Setiap aktiviti yang dijalankan adalah berteraskan ISLAM SEBAGAI CARA KEHIDUPAN (AD-DEEN). Mulai tahun 1989, beberapa buah sekolah di Wilayah Persekutuan telah mula menubuhkan KPIM.

Pada tahun 1993, sebanyak 53 buah sekolah menengah di seluruh negara telah menubuhkan KPIM. Usaha untuk menubuhkan KPIM secara rasmi dan; bernaung di

## Khas Untuk Sekolah Kebangsaan Kolapis dan Perujuk

bawah Kementerian Pendidikan telah dimulakan pada 10 Ogos 1993, dan satu pertemuan telah diadakan dengan Yang Berbahagia Tan Sri Datuk Dr. Wan Mohd Zahid b. Wan Mohd Nordin, iaitu Ketua Pengarah Pendidikan Malaysia pada 13 September 1993. Tesis mengenai KPIM telah dibentangkan dalam pertemuan ini. Hasil daripada pertemuan tersebut, sebuah jawatankuasa kecil telah dibentuk untuk menyediakan kertas kabinet, dan jawatankuasa ini telah mencadangkan agar pasukan ini diberi nama KADET PUTERA-PUTERI ISLAM (KPIM).

Walaupun bagaimanapun, nama pasukan ini telah ditukar kepada KADET REMAJA ISLAM (KRIS). Sementara itu, taklimat dan pendedahan kepada Pengarah-pengarah bahagian Kementerian Pendidikan yang telah diadakan pada bulan Oktober 1993 telah dipengerusikan oleh Yang Berbahagia Tan Sri Datuk Dr. Wan Mohd Zahid telah membuat keputusan agar nama pasukan ini ditukar kepada Kadet Remaja Sekolah yang membuka keahliannya kepada semua kaum sama ada lelaki atau perempuan.

Upacara Pelancaran Kadet Remaja Sekolah Peringkat Kebangsaan telah dilaksanakan pada 20 Jun 1995 bersamaan 21 Muharram 1416 oleh Yang Berhormat Dato' Seri Mohd Najib Tun Hj. Abdul Razak, Menteri Pendidikan Malaysia di Sekolah Menengah Raja Abdullah, Jalan Kepong, Kuala Lumpur.

Pada bulan November-Disember tahun yang sama, seramai 300 orang guru telah dilatih sebagai jurulatih Kadet Remaja Sekolah peringkat negeri. Pelaksanaan Kadet Remaja Sekolah sebenarnya mempunyai keunikan konsep dan falsafahnya yang tersendiri yang membezakan pasukan ini dari pasukan-pasukan beruniform yang lain. Kegiatan yang dijalankan, digandingkan dengan unsur-unsur pengukuhan dan pemantapan jiwa dan rohani setiap anggota pasukan. Pelajar yang meanggotai pasukan ini bukan sahaja dibangunkan dari aspek jasmaninya melalui kegiatan kegiatan yang mencabar intelegnya melalui kegiatan-kegiatan kreatif, bahkan juga jiwa dan rohaninya melalui amalan-amalan langsung ibadah khusus dan umum.

### Logo Kadet Remaja Sekolah



### Warna Hijau Melambangkan:

- a. Tunas muda / remaja yang masih boleh dibentuk
- b. Laluan hidup yang jelas untuk masa hadapan
- c. Alam sekitar merupakan sebahagian daripada kurikulum KRS

### Lagu Kadet Remaja Sekolah

Kadet Remaja Sekolah  
Menuju satu ikatan bersaudara,  
Bersatu menjulang keamanan negara,

Menjayakan Iman dan Amal.  
Marilah kita membina peribadi,  
Menjadi insan yang kreatif,  
Bersama kecemerlangan diri,  
Sepanjang masa yang berterusan,

Remaja sambutlah cabaran,  
Menjadi bangsa Malaysia,  
Maju dan cemerlang remaja berwawasan,  
Jangan kita lupa kepada pencipta,

Remaja hayati budaya,  
Ilmu, Iman dan Amal,  
Kekalkan di hati dan jiwamu,  
Wawasan kadet remaja sekolah.

### Bendera Kadet Remaja Sekolah



#### HURAIAN

Warna **hijau** melambangkan:

1. Tunas muda / remaja yang masih boleh dibentuk.
2. Laluan hidup yang jelas untuk masa depan.
3. Alam sekitar merupakan sebahagian daripada kurikulum KRS

Cogan kata KRS "**ILMU IMAN AMAL**"

**ILMU** = Asas keintelektualan dan ketrampilan ahli KRS.

**IMAN** = Keimanan yang mendalam merupakan pembinaan diri.

**AMAL** = Penghayatan dan perlakuan gaya hidup yang berterusan merupakan natijah daripada kekuatan intelektual dan disiplin.

Peraturan\Perembagaan KRS

**KADET REMAJA SEKOLAH[KRS]  
SEK.KEB.KOLAPIS,BELURAN  
PERATURAN-PERATURAN[PERLEMBAGAAN]PERSATUAN**

Pada mematuhi Subperaturan 5(1)(a) dalam persatuan-persatuan Pendidikan(Persatuan Sekolah) 1998.Akta Pendidikan 1996 seperti dalam warta kerajaan Malaysia Jilid 42,No.11 Tambahan No.41,Perundangan (A):P.U.(A) 196 bertarikh 21 Mei 1998,maka berikut ini dikemukakan peraturan-peraturan[perlembagaan] Persatuan Bulan Sabit Malaysia Sek.Keb.Kolapis,Beluran yang selepas ini disebut sebagai"persatuan"sahaja.

**PERATURAN 1 : NAMA DAN ALAMAT**

1.1 Nama Persatuan : Kadet Remaja Sekolah

Sek.Keb.Kolapis,Beluran

1.2 Alamat: Sek.Keb.Kolapis,Peti Surat 51,90107 Beluran

**PERATURAN 2 : MATLAMAT**

Memberikan peluang kepada setiap pelajar untuk mengembangkan potensi secara seimbang dan menyeluruh dalam aspek jasmani,emosi,rohani dan intelek.

**PERATURAB 3 : OBJEKTIF**

3.1 Supaya ahli dapat menganggotai Kelab\Persatuan(Kadet Remaja Sekolah)dengan lebih terpimpin dalam menimba ilmu berpersatuan dan memupuk semangat bertanggungjawab dan disiplin diri.

3.2 Ahli-ahli Kadet Remaja Sekolah akan seberapa daya dan usaha untuk mencapai tahap yang paling tinggi dalam aktiviti yang diceburi terutama melalui ujian kecekapan\pertandingan \amali dan praktikal.

**PERATURAN 4 : KEAHLIAN**

4.1 Terbuka kepada pelajar Tahap Dua(Tahun 3 hingga Tahun 6)

4.2 Permohonan menjadi ahli adalah dengan mengisi borang pilihan mengikut aktiviti

4.3 Ahli-ahli mestilah menerima serta bersetuju berpegang kepada perlembagaan dan akan mengambil bahagian dengan aktifnya untuk menjayakan tujuan persatuan ini.

**PERATURAN 5 : GURU PENASIHAT**

5.1 Terdiri daripada guru-guru yang bertugas di sekolah ini

5.2 Hendaklah memberikan nasihat dan merancang\melaksanakan aktiviti yang disasarkan

5.3 Hendaklah sentiasa bersama dengan ahli-ahli sepanjang aktiviti dijalankan mengikut jadual,tarikh dan masa yang ditetapkan.

5.4 Menjadi pengiring apabila ahli terlibat dengan aktiviti di luar sekolah sama ada berbentuk penyertaan.jemputan atau pertandingan.

**PERATURAN 6 : AHLI JAWATANKUASA**

## Khas Untuk Sekolah Kebangsaan Kolapis dan Perujuk

- 6.1 Dilantik semasa mesyuarat agung
- 6.2 Ahli yang hadir layak dicalonkan sebagai ahli jawatankuasa manakala ahli yang tidak hadir tetapi ada menulis surat rasmi sebagai tunjuk sebab layak dicalonkan untuk sebarang jawatan.
- 6.3 Pemilihan ahli jawatankuasa secara undian
- 6.4 Ahli jawatankuasa kecil boleh dilantik oleh guru penasihat tanpa mengadakan mesyuarat
- 6.5 Ahli jawatankuasa yang hendak meletak jawatan hendaklah menghantar surat perletakan jawatan kepada guru penasihat
- 6.6 Ahli Jawatankuasa Persatuan Hendaklah terdiri
  - 6.6.1 Pengerusi
  - 6.6.2 Naib Pengerusi
  - 6.6.3 Setiausaha
  - 6.6.4 Penolong Setiausaha
  - 6.6.5 Bendahari
  - 6.6.6 Penolong Bendahari
  - 6.6.7 AJK[bilangan bergantung keperluan]
  - 6.6.8 Juruaudit [dua orang]

### **PERATURAN 7 : TUGAS DAN TANGGUNGJAWAB JAWATANKUASA**

#### **7.1 Pengerusi**

- 7.1.1 Mempengerusikan setiap mesyuarat
- 7.1.2 Meneliti minit mesyuarat dan memastikan segala keputusan mesyuarat adalah wajar dan mengikut agenda yang ditetapkan
- 7.1.3 Menjalankan tugas yang diarah oleh guru penasihat dari masa kesemasa

#### **7.2 Naib Pengerusi**

- 7.2.1 Membantu pengerusi dalam menjalankan tugas dan tanggungjawab yang diberi
- 7.2.2 Mempengerusikan mesyuarat semasa ketiadaan pengerusi
- 7.2.3 Menjalankan tugas yang diarah oleh guru penasihat dari masa kesemasa

#### **7.3 Setiausaha**

- 7.3.1 Mengurus surat-menyurat
- 7.3.2 Mencatat minit mesyuarat/laporan dan menandatangani
- 7.3.3 Menyimpan fail/dokumen berkaitan dengan persatuan
- 7.3.4 Menjalankan tugas yang diarah oleh guru penasihat dari masa kesemasa

#### **7.4 Penolong Setiausaha**

- 7.4.1 Membantu setiausaha dalam menjalankan segala tugas dan tanggungjawabnya
- 7.4.2 Menjalankan tugas setiausaha semasa ketiadaan setiausaha
- 7.4.3 Menjalankan tugas yang diarah oleh guru penasihat dari masa kesemasa

#### **7.5 Bendahari**

- 7.5.1 Bertanggungjawab terhadap hal-hal kewangan persatuan
- 7.5.2 Membuat penyata dan menyimpan kira-kira berkenaan kewangan persatuan
- 7.5.3 Menyediakan laporan wang terimaan dan wang perbelanjaan dan dibentangkan semasa mesyuarat agung
- 7.5.4 Menjalankan tugas yang diarah oleh guru penasihat dari masa kesemasa

### **7.6 Penolong Bendahari**

- 7.6.1 Menjalankan tugas bendahari semasa ketiadaan bendahari
- 7.6.2 Menjalankan tugas yang diarah oleh guru penasihat dari masa kesemasa

### **7.7 Ahli Jawatankuasa**

- 7.7.1 Membantu melaksanakan program dan aktiviti yang dilaksanakan oleh persatuan
- 7.7.2 Menjalankan tugas yang diarah oleh guru penasihat dari masa kesemasa

### **7.8 Pemeriksa kira-kira**

- 7.8.1 Memeriksa, menyemak serta mengesahkan laporan kewangan tahunan persatuan dan bertanggungjawab ke atasnya
- 7.8.2 Memastikan penggunaan kewangan diurus dengan betul
- 7.8.3 Menjalankan tugas yang diarah oleh guru penasihat dari masa kesemasa

## **PERATURAN 8 : KEWANGAN**

- 8.1 Sumber kewangan persatuan adalah melalui derma yang diputuskan semasa mesyuarat agung dan telah diputuskan sebanyak ringgit Malaysia RM0.20 sebulan untuk setiap ahli
- 8.2 Memohon bantuan kewangan daripada pihak sekolah jika perlu
- 8.3 Ahli-ahli yang terpilih mewakili sekolah mengikuti sebarang aktiviti di peringkat daerah akan layak menerima RM 5.00, peringkat Bahagian RM 10.00 Peringkat Negeri RM 30.00 dan Peringkat Kebangsaan RM 50.00 setiap seorang daripada pihak sekolah.
- 8.4 Semua pungutan\penyimpanan boleh dimasukkan ke dalam akaun SUWA sekolah sekiranya mendapat kelulusan Guru Besar.

## **PERATURAN 9 : KEHADIRAN\PNENYERTAAN**

- 9.1 Ahli Persatuan dikehendaki menghadiri setiap aktiviti yang dijalankan oleh persatuan sepanjang tahun
- 9.2 Gagal menghadiri aktiviti sebanyak 3[tiga] kali berturut-turut dikehendaki menulis surat tunjuk sebab. Jika gagal berbuat demikian maka pemotongan markah dalam penilaian boleh dibuat oleh guru penasihat dan dicatat dalam buku rekod penilaian kokurikulum
- 9.3 Guru penasihat dikehendaki menyediakan\memohon kebenaran ibu bapa\penjaga kepada pelajar yang terlibat menyertai sebarang aktiviti, pertandingan, ujian dan seumpama di luar sekolah dengan mengemukakan borang pelepasan ibu bapa.
- 9.4 Semasa ahli menghadiri\menyertai apa juga jenis aktiviti seperti dalam perancangan tahunan, jemputan, pertandingan di dalam kawasan sekolah atau di luar sekolah [apa juga peringkat pertandingan/kejohanan\kelolaan] jika terdapat kecederaan/kecelakaan maka pihak sekolah dan ibu bapa\penjaga perlu bekerjasama menjaga kebajikan ahli berkenaan.

## **PERATURAN 10 : AKTIVITI**

- 10.1 Dijalankan seperti yang dirancang dalam mesyuarat AJK
- 10.2 Aktiviti boleh ditunda atau disesuaikan mengikut keperluan dan keadaan. Guru

## Khas Untuk Sekolah Kebangsaan Kolapis dan Perujuk

penasihat akan mengumumkan kepada ahli

### **PERATURAN 11 : PERATURAN-PERATURAN**

- 11.1 Peraturan Sekolah adalah menjadi peraturan asas
- 11.2 Peraturan khas yang ditetapkan hendaklah dipatuhi oleh ahli sepenuhnya
- 11.3 Ahli yang melanggar peraturan akan dikenakan tindakan tatatertib

### **PERATURAN 12 : TINDAKAN DISIPLIN**

- 12.1 Akan di ambil terhadap ahli yang melanggar perlembagaan persatuan\peraturan semasa
- 12.2 Tindakan disiplin adalah mengikut Amaran Lisan dan Amaran Bertulis
- 12.3 Ahli yang tidak berpuashati terhadap tindakan keatasnya,boleh membuat surat rayuan dan semakan salahlaku melalui guru penasihat dan keputusan berikutnya adalah muktamad.

### **PERATURAN 13 : PINDAAN PERLEMBAGAAN**

- 11.1 Mana-mana bahagian dalam perlembagaan ini sah sehingga dipinda melalui pekelilingan persatuan\kelab\unit.
- 11.2 Cadangan pindaan perlembagaan boleh dibuat oleh ahli-ahli jawatankuasa,guru penasihat atau pentadbir sekolah.dan disahkan oleh guru besar.

### **PERATURAN 14 : PEMBUBARAN PERSATUAN\UNIT\KELAB**

- 14.1 Guru Besar diberi kuasa untuk membubarkan persatuan\unit\kelab jika didapati melanggar perlembagaan dan Falsafah Pendidikan Kebangsaan
- 14.2 Segala hutang wajib dijelaskan.Baki kewangan diputuskan dalam Mesyuarat Agung Tergempar

### **PERATURAN 15 : HAL-HAL LAIN**

- 15.1 Setiap ahli mestilah mengetahui tanggungjawab sendiri dan sentiasa menjaga sahsiah dan nama baik setiap ahli dan persatuan sepanjang masa
- 15.2 Ahli –ahli hendaklah sentiasa peka dan mengikuti setiap aktiviti dengan penuh kesungguhan.